

զՍիրամարգ, պահ մի զսպենք մեր յուզմունքը, և ծափահարենք բնութեան այս աննման գեղեցկութիւնը :

Նաև ի Հայս կը գանուի՞ Սիրամարգն . — կը սխալիմք . դա չէ բնիկ մեր աշխարհին՝ այլ մի փախստական օտար պանդուխտ . դա չի թափառիր մեր երկրի մութ անտառներուն և դալար դաշտաց մէջ, այլ ազատաբար իբր արքայազուն մի՞ ման զայ ազգային և օտարազգի ազնուականաց բուրաստաններուն մէջ :

— Գոռո՛ղ հաւ, ինչպէս ճարտար է ցոյց տալ իւր անձին գեղեցկութիւնը, սորա պատմունճանին վրայ կը շողշողին այնպիսի վառ վրուն գոյներ՝ զորո անկարելի է որ քաջ Գիցիանոսը իրենց վրձնով ներկայացընեն պատաստի մը վրայ . հանաբանական թանգարանաց մէջ չի կայ դեղանի պատուական ալուծը մի՞ որուն լուսաւոր պատկերն չի գրտնուի սորա փետրոց վրայ . կ'ուզենք վայելել ծիրանի գօտայ հրապուրիչ գոյները . — սևեռենք աշերնիս սիրամարցի պերճ առան երկայն փետրոց վրայ :

— Մինչ նա կազնոյ հովանաւոր ճիւղերուն ներքէն վայելչաձև շարժուածքով կ'երթայ կը կանգնի արևահար սիրելի մարզին\* մէջ, և կը բանայ իւր հովահարաձև տուար՝ անհ նոյն ատեն իւր ամենէն սէգ վիճակին մէջ է, բայց հազիւ կը տեսնէ իւր օտուրներուն ազեղութիւնը կը խպնի, և բարկութեան ուրով սուր ճիւ մը իւր լանջքէն կ'արձակէ . « *Il est comme le paon qui crie en voyant ses pieds* », և կարծես կը գանգատի Արարչին, թէ ինչո՞ւ գեղանի պատմունճանին հետ իրեն չէ առած նաև անոյշ ձայն և նազելի տոտիկներ :

— Նախնի բանաստեղծք իբր վարձք իրենց սիրուն հանճարոյն՝ կը պահուէին սուրա չքնազ տասն փետուրներով :

— Հեթանոս Յոյները զայս նուիրած էին

իրենց սիրելի չաստուածուհոյն որ յԱրգոս և յՈլիմպոս մեծամեծ պատիւներու կ'արժանանար . ըստ իրենց բանաստեղծներուն նոյն Արամազդայ հարսին կառքը մի զոյգ քնքուշ սիրամարգներ կը քաշէին : Այսպիսի նշանաւոր հաւ մի՞ անկարելի է չի լինել նիւթ առակաց, այլարանութեանց, զոր դրած են թէ նախնիք և թէ արդիք, յորոց մին ևեթ կը յիշեմք :

Ուշ գնենք թէ ինչ կը սուլէ մեր Գոշ առակախօսն\* իւր մոգական եղեգէն . « Սիրամարգ գեղեցկութիւն իւր ամենեցուն յայտնեալ՝ և զովեալ լինէր, և խորհի թագաւորել . և ոմանք իմաստունք խրատէին, եթէ չէ պարա ի բանս հայել պատրանաց, զի ազգաւ է թագաւորել . և սչ այսմ ունկնդիր եղև : Եւ լուեալ արքային թռչնոց, և եկեալ եհար և զմանկունս նորա և զազգատունն նորա, և բազումք զլիսս նորա և ըզփետուրս քարշեալ մերկացուցին . թագաւորութեան ոչ եհաս, և յիւրոց գեղեցկութեանց ևս թափեցաւ :

Բազմաց՝ ըստ առակին՝ պատահեաց պարիլ, զով յաջողմամբն թագաւորել . հրապուրեալք ի բանս յորդորչացն, յինքեանցն անկեալք, այնմ ոչ հասին » :

Գեղանի սիրամարզին առջև արագաքայլ կու դայ կը կանգնի փասեանը, անաւասիկ թռչնոց զատուն ամենէն պերճագոյնն . կը շփովի թռչնաբանն թէ՛ անոնցմէ որն կարգէ թագաւոր սիրուն թռչնոց : Հպարտ թռչուն մ'է սա, և մասամբ իւրիք գեղեցկութեամբ կը մրցի սիրամարցի հետ . սորա կեցուածքն աւելի ազնիւ է, քալուածքն ամբարտաւան, և փետուրք աւելի ազնիւ և շլացուցիչ աչաց :

Ման գանք թափառիւք հայրենեաց հողին վրայ . անհ կը գտնեմք զայս ի կարին, ի Սեբաստիա, ի վան, յԱրցախա և յայլուր :

Քուն հայրենիքն սոյն պերճատեսիլ հաւին է փասիս գետին շրջակայքն կամ ճորոփ գետն, որ Բարբրգի լեռներէն բղխելով՝ Սև ծով կը թափի : Կը համարուի որ Արգոնաւորդք նոյն կողմերէն զփասիան Յունաստան

\* Հայկազեան բառգիրքի մէջ Սիրամարգ բառին իբր ստուգաբանութիւն գրուած է (Սիրամարգ Ταῦς, ταὺν. Ραῦο. որպէս այն՝ որ սիրէ զմարգս, կամ հեմել է մարգս) :

\* Մխիթար Գոշ, ձև. Էջ 114 :